



ՍՓՅՈՒՌԱՀԱՅ ԿՅԱՆՔ

ԲԱՂԴԱՏԻ Ս. ԿԱՐԱՊԵՏ ԵԿԵՂԵՑՈՒ ՕՇՈՒՄԸ

Մայիսի 11-ին տեղի է ունեցել Բաղդատի Նորաշեն թաղամասի ս. Կարապետ նորակառույց եկեղեցու օծումը՝ ձեռամբ Իրաքի հայոց թեմի առաջնորդ տ. Ասողիկ եպս. Ղազարյանի:

եղել բազմաթիվ հոգևորականներ քույր եկեղեցիներից, որոնց թվում՝ պապական նվիրակ մոնսենյոր Ժան Ռյուպը, լատին եկեղեցու առաջնորդ մոնսենյոր Էռնեստ Նիարին, սիրիական եկեղեցու առաջնորդ Մուրան Զաքիան, հայ կաթոլիկ եկեղեցու առաջնորդ գերապայծառ Հովհաննես Գասպարյանը, ասորի Ծապաթապահ պատվելին,



Բաղդատի նորակառույց ս. Կարապետ եկեղեցին

Ս. Կարապետ եկեղեցին կառուցվել է բարեպաշտուհի տկն. Ռեծիմա Կարապետ Իսկենտերի նվիրատվությամբ և պրն. Սքրահամ Ծաֆինյանի անմիջական հսկողության ներքո: Նորակառույց եկեղեցին կոչվել է ս. Կարապետ՝ ի հիշատակ բարերարուհու հանգուցյալ հոր՝ Կարապետի:

Օծման արարողությանը և նույն օրը մատուցված ս. պատարագին ներկա են

այլ հոգևորականներ և հայ կաթոլիկ ու լատին քույրեր:

Օծման արարողությունից հետո տ. Ասողիկ եպիսկոպոսը հոգեշունչ քարոզ է խոսել՝ «Նրանի եկեղեցի շինողաց» բնաբանով, որից հետո սկսվել է ս. պատարագը:

Ս. պատարագի արարողությունից հետո նորակառույց եկեղեցու մոտ գտնվող հայկական ծերանոցի (այն նույնպես կառուց-

վել է տկն. Ռեծիմա Կարապետ Իսկենտերի (նվիրատվությամբ) ընդարձակ սրահում տրվել է ճոխ ճաշերույթ, որին մասնակցել են պատարագի մասնակիցները:

Մայիսի 12-ին, շաբաթ օրը, ս. Կարապետ եկեղեցում ս. պատարագ է մատուցել տ. Զավեն քհն. Փոխադրանք, և տեղի է ունեցել մկրտության ս. ավագանի օծումը՝ ձեռամբ առաջնորդ սրբազանի:

Մայիսի 13-ին, կիրակի օրը, ս. Կարապետ եկեղեցում ս. պատարագ է մատուցել տ. Սեպուհ վրդ. Սարգիսյանը, և տեղի է ունեցել եկեղեցու սրբապատկերների օծման կարգը՝ ձեռամբ տ. Ասողիկ սրբազանի:

Կիրակի օրը, ս. պատարագի արարողությունից հետո, կատարվել է հոգեհանգրստյան պաշտոն՝ ի հիշատակ քարերարուհի տկն. Ռեծիմա Կարապետ Իսկենտերի հին և նոր անցեցյալների:

ԻՍԻ ԼԵ ՄՈՒԼԻՆՈՅԻ ԵԿԵՂԵՑՈՒ ՀԻՄՆԱՐԿԵՔԸ

Մայիսի 31-ին, Համբարձման տոնի օրը, տեղի է ունեցել Իսի Լե Մուլիկոյի հայկական եկեղեցու հիմնարկերի օրհնությունը: Իսի Լե Մուլիկոյը Փարիզի հայաշատ արվարձաններից մեկն է:

Տ. Նորվան վարդապետի գլխավորությամբ անցյալ տարի կազմվել է սույն եկեղեցու շինության հանձնախումբը՝ հիմնականում բաղկացած երիտասարդներից: Հանձնախումբը նվիրումով և երիտասարդական ավյունով կարճ ժամանակի ընթացքում ի կատար է ածել նախապատրաստական բոլոր աշխատանքները:

Եկեղեցու հիմնարկերի օրհնության օրը խտունեքամ բազմություն էր հավաքվել եկեղեցու բակում: Ներկա էին նաև Փարիզի Մայր եկեղեցու վարչության և ներկայացուցչական ժողովների անդամները և արտարապետներ պրն. պրն. Ապրո Բանճյանը, Հանրի-Միհրան Բանճյանը և Ժան-Տիրան Հանճյանը, որոնց հանձնվել էր այդ եկեղեցու շինության գործը:

Ժամը 17-ին ժամանում է Արևմտյան Եվրոպայի հայրապետական պատվիրակ տ. Սերովբե արքեպ. Մանուկյանը՝ շրջապատված Փարիզի և շրջակայքի հայ եկեղեցիների հոգևորականներով:

Սկսվում է հիմնարկերի օրհնության արարողությունը: Յուրաքանչյուր վեմքարի կրկնաբանությունը ստանձնել էր բարեպաշտ մի ազգային:

Նախ լվացվում են վեմքարերը ջրով և գինով, ապա տ. Սերովբե սրբազանն «Առաքելոյ աղանոյ»-ի երգեցողությամբ ս. մեռնով օծում է յուրաքանչյուր վեմքարը: Այնուհետև

օրհնում է եկեղեցու չորս անկյունները և առաջին շաղախը զետեղում իր իսկ ձեռքով՝ հիմքի մեջ դնելով հետևյալ հիշատակարանը:

«Յամի Տեառն 1973-ի, լերեսունմեկերորդի ատոր ամսեանն մայիսի, ի տօնի Համբարձմանն Տեառն մերոյ Յիսուսի Քրիստոսի:

Ի հայրապետությանն Տ. Տ. Վազգենի Առաջնոյ Սրբազնագոյն կաթողիկոսին Ամենայն Հայոց եւ ի պատուիրակությանն տ. Սերովբե ս. արքեպիսկոպոսին եղան հիմունք եւ օրհնեցան անկիւնաքարք սրբոյ եկեղեցոյն Իսի Լե Մուլիկոյի որ մերձ առ Փարիզ մայրաքաղաքին Տրանսայի,

Ճարտարապետությամբ եւ վերակողությամբ տիար Ապրո Բանճյանի եւ որդոյն որին Հանրի-Միհրանի եւ օգնականությամբ պրն. Ժան-Տիրան Հանճյանի:

Տէր Աստուած հաստատուն արասցէ զհիմունք սորին եւ յաշողությամբ ի կատար ածցէ ի վայելումն մանկանցն Հայաստանեայց ստաքելական եկեղեցոյն եւ ի փառս անուան իւրոյ: Ամեն»:

Այս հանդիսավոր արարողությունն ավարտվում է պատվիրակ սրբազան հոր «Պահպանիչ»-ով և միաբերան երգված «Հայր մեր»-ով:

Իսիի եկեղեցին գտնվում է քաղաքի գլխավոր պողոտաներից մեկի վրա, քաղաքի կենտրոնում: Եկեղեցու հետ միասին պետք է կառուցվեն նաև ընդարձակ մի սրահ, դասարաններ՝ հայերեն դասընթացների համար, և հոգևորականի բնակարան՝ իր բոլոր հարմարություններով:

ԼԱ ՍԻՈԹԱՅԻ Ս. ԿԱՐԱՊԵՏ ԵԿԵՂԵՑՈՒ ՕԾՈՒՄԸ

Օգոստոսի 15-ին, ս. Աստվածածնի Վերափոխման տոնի օրը, տեղի է ունեցել Լա Սիոթա (Մարսելի մոտ) քաղաքի ս. Կարապետ նորակառույց հայկական եկեղեցու օծումը՝ ձեռամբ Արևմտյան Եվրոպայի հայրապետական պատվիրակ տ. Սերովբե արքեպ. Մանուկյանի:

Հայրապետական պատվիրակ սրբազանը նույն օրը ս. Կարապետ մատուռում մատուցել է առաջին հանդիսավոր ս. պատարագը՝ ի ներկայության Մարսելի հայրապետական պատվիրակի փոխանորդ տ. Հակոբեյս Վարդանյանի, Մարսելի և շրջակայքի հայ հոգևորականների, Լա Սիոթայի և այլ վայրերի հայության:

Օծման արարողությանը և ս. պատարագին ներկա էին նաև քաղաքապետարանի ներկայացուցիչները, օտար հոգևորականներ և տեղական թերթերի թղթակիցներ, որոնք հաջորդ օրը լրագրեցին անդրա-

դարձել են այս արարողությանը՝ լուսանկարներ հրատարակելով հանդերձ:

Հավարտ ս. պատարագի կատարվել է հոգեհանգստյան պաշտոն՝ բոլոր նվիրատուների հիշատակին, և ապա կատարվել է խաղողի ավանդական օրհնությունը:

Նույն օրը, կեսօրին, եկեղեցու վարչության կողմից տրվել է պաշտոնական ճաշերույթ, ուր խոսք են ասել տ. Սերովբե և Հակոբ արքայաները և Լա Սիթայի եկեղեցական վարչության ատենապետ պրն. Թովմաս Համամջյանը:

Սույն ճաշերույթին ներկա են եղել նաև Մարսելի Մայր եկեղեցու վարչության ատենապետ պրն. Արծրուն Զրբաշյանը՝ իր հարգելի տիկնոջ հետ, որոնք և այս առիթով կարևոր նվիրատվություն են կատարել նորած ս. Կարապետ եկեղեցուն:

*
* *

Արևմտյան Եվրոպայի հայոց հայրապետական պատվիրակ տ. Սերովբե արքեպ. Մանուկյանի կարգադրությամբ վերջերս Ծվեցարիայի և Ժնևի հայոց հոգևոր հովիվ է նշանակվել տ. Դավիթ Ժ. վրդ. Սահակյանը, «որը տալը տարիներն է վեր կրոնավորի նվիրումով և գիտակցությամբ պաշտոնավարել է» Լիոնի հայոց համայնքի ծոցում:

Հայրապետական պատվիրակի կարգադրությամբ Լիոնի հայ համայնքի համար հոգևոր հովիվ է նշանակվել Երուսաղեմի սրբոց Հակոբյանց վանքի միաբան տ. Գեղամ Ժ. վրդ. Զաքարյանը, որը «գիտակից և լուրջ հոգևորական մըն է և ութը տարի Կալկաթա հովվական և ուսուցչական փորձառություն ալ ունի»: Իսկ Մայր Աթոռի միաբան տ. Տարոն վրդ. Ծերեմյանը, որը նախապես հոգեվոր հովիվն էր Մարսելի արվարձաններից մեկի ս. Կարապետ եկեղեցու, այժմ հոգևոր հովիվ է նշանակված Նիցցայի և շրջակայքի հայ համայնքի:

«Էջմիածին» ամսագրի խմբագրությունը շնորհավորում է նորընտիր հոգևոր հովիվներ տ. Դավիթ Ժ. վրդ. Սահակյանին և տ. Գեղամ Ժ. վրդ. Զաքարյանին ու նրանց բարեմաղթում եկեղեցանվեր քեղուն գործունեություն՝ ի մխիթարություն իրենց համայնքների հայ հավատացյալ ժողովրդի:

ԲՈՂՈՔ ՊԱՏՄՈՒԹՅԱՆ ԱՌՋԵՎ

Ջվիցերիո հայոց եկեղեցական խորհուրդն Մայր Աթոռն ստացավ պատճենը 18 հունիս 1973 թվակիր իր հայտարարության,

ուր վեր կառնե Անթիլիասի Խորեն կաթողիկոսի նոր մեկ անօրինությունը և կոչ կընեն մեր սուրբ եկեղեցվո սպասավորներուն ու ժողովուրդին մերժել հիշյալին սուրբ Ներսես Ծնորհալիի մահվան ութհարյուրամյակին նվիրված «Կոնգրակը», ուր ան ինքզինքին համար գործածել է «Ամենայն Հայոց կաթողիկոս» տիտղոսը և զայն ուղարկել իր թեման դուրս գաղութներու ևս, անօրինաբար:

Խորհուրդս, հանուն զվիցերիահայ գաղութին, իր ներկա հայտարարությամբ ոչ միայն կմերժե նման հանդգնության մը հեղինակին արարքը, այլ նաև պատմության համար կալելցնե հետևյալները:

1—Անթիլիասի Աթոռին—մոռնալով Սսո Աթոռին ավանդական և ազգովին ընդունված դիրքն ու հանգամանքը—իր առաքելության հունեն ու բնույթն դուրս ելած օրենն սկսյալ, հայ ժողովուրդը, հայրենի և սփյուռքահայ իր զանգվածին ջախջախիչ մեծամասնությամբ, իր սրտեն սրբած ու դուրս է նետած զայն:

2—Մեր ժողովուրդը Մայր Աթոռի գերագույն հեղինակության ի հարգանս հոգեկան զապված ճնշումով լուռ հետևեցավ ցարդ, Անթիլիասի Աթոռին հարաճուն շահատակություններուն նկատմամբ Հայոց Հայրապետին ծաղրաստիճան հաշտարար ու հանդուրժող ընթացքին, քաջ գիտնալով թե գերագնիվ կեցվածքով ցույց տրված հաշտարար ոգին և հայրապետական ներդաժնությունը անօրեններու կողմն պիտի շահագործվեին միայն:

3—Խորհուրդս Մայր Աթոռի ներկա կոչը իրեն տրված ազատություն մը կնկատե, որպես մեր ժողովուրդին մեկ մասնիկը, արտահայտելու համար իր ցնաումն ու ընդվզումը հիշյալ Աթոռի անունով ցարդ կատարված անօրինություններուն դեմ, որոնք անկասկած պիտի դատապարտվին մեր պատմության կողմն, և կխնդրեն Հայոց Հայրապետեն ու Մայր Աթոռեն եպիսկոպոսական ժողովի մը միջոցավ ազգային-եկեղեցական պախարակումի ենթարկել հիշյալ Աթոռի վերջին անօրենն աթոռակալները և անոնց գործակցող բոլոր եպիսկոպոսները:

ՋՎԻՑԵՐԻՈ ՀԱՅՈՑ ԵԿԵՂԵՑԱԿԱՆ
ԽՈՐՀՈՒՐԴ

ԺՃՆ

ԲԵՅՐՈՒԹԻ՝ ԷԶՄԻԱԾԻՆԻ ԿՐՈՆԱՍԵՐ
ՏԻԿԵԱՆՑ ՀԱՄԱԽՄԲՈՒՄԻ
ԳՈՐԾՈՒՆԵՆՈՒԹՅԱՆ 15-ԱՄՅԱԿԸ

Տասնհինգ տարի առաջ Բեյրութում կազմակերպվեց տեղի հայ Էջմիածնապետ բա-

րեպաշտ հայրենասեր տիկնանց միությունը: Սույն համախմբումի եկեղեցանվեր և ազգօգուտ գործունեության 15-ամյա հոբելյանի առթիվ ա/թ. հունիսի 3-ին Բելյուսի «Ալիազար» պանդոկում տեղի ունեցավ մի հետաքրքիր ճաշկերույթ՝ նախագահությամբ տեր և տիկին Հայկազուն Թորոսյանների:

Պատվո սեղանի շուրջ տեղեր էին գրավել օրվա նախագահը և տիկ. Հայկունի Թորոսյանը, Մայր Աթոռ ա. Էջմիածնի միաբաններ տ. Գևորգ Ժ. վրդ. Կարպիսյանը և տ. Արիս Ժ. վրդ. Շիրվանյանը, ատենապետուհի տիկ. Արշալույս Ալվազյանը, տիկ. Մաքրինե Շեքերճյանը, տեր և տիկ. Աբրահամ Եսայանները և օր. Մայտա Իհմայանը, որը ներկայացնում էր պատվո ատենապետուհի տիկ. Հրանուշ Իհմայանին:

Ճաշկերույթին մասնակցում էին շուրջ 200 հրավիրյալներ, որոնց բաշխվեցին մեկական հայկական խաչքար-հուշանվերներ՝ տեր և տիկ. Թորոսյանների կողմից:

Սրահում ցուցադրված էին վարչության տիկնանց ձեռքով իսկ պատրաստված՝ Էջմիածին ուղարկվելիք պատարագի զգեստների նմուշները:

Ճաշկերույթը սկսվում է վարչության ատենադպրուհի տիկ. Ռոզին Պապայանի գեղեցիկ խոսքով, որը հրավիրյալներին ներկայացնում է միության միամյա գործունեության ընդհանուր պատկերը:

Այնուհետև տ. Արիս Ժ. վրդ. Շիրվանյանը կարդում է Նորին Ա. Օծություն Տ. Տ. Վազգեն Ա. Ամենայն Հայոց կաթողիկոսի շնորհավորական հետևյալ հեռագիրը՝ տ. Գևորգ Ժ. վրդ. Կարպիսյանի անունով, որն ունկնդրվեց հոսնակաչա.

«Մեծ սիրով և զնահատանքով կողջունենք կրոնասեր տիկնանց համախմբումը և տասնհինգ տարիներու նվիրյալ գործունեությունը ի պայծառություն ամենայն հայոց սուրբ Էջմիածնի: Մայր Աթոռը երախտապարտ է կրոնասեր տիկնանց վարչության հավատավոր անդամներուն և բոլոր գործակիցներուն և նվիրատուներուն: Աստված անսասան պահպանե մեր սուրբ եկեղեցին և հավետ պայծառ սուրբ Էջմիածինը: Ձեր կազմակերպության հոբելյանական հանդիսության առթիվ կհղենք Մեր ողջույնը և օրհնությունը կրոնասեր ազնվասիրտ տիկնանց, տեր և տիկ. Թորոսյաններուն և ձեզի սիրելի հայր սուրբ ձեր եռաջան աշխատանքին համար: Ողջ լերուք գորացյալ սուրբ Հոգով և հավետ օրհնյալ ի Տյառնե և ի Մենջ»:

Ընդունելության ժամանակ բաժակներ քարծրացան Հայոց Հայրապետի կենաց ա-

րելշատության և Մայր Աթոռի պայծառության համար:

Օրվա գլխավոր բանախոսն էր Վ. Թեքեյան վարժարանի տնօրեն պրն. Նրվանդ Պապայանը, որը կուռ և իմաստալից ճառով վեր հանեց սույն կազմակերպության օրինակելի և եկեղեցանվեր գործունեությունը՝ բարօրություն մաղթելով հյուրընկալ Լիբանանին և բարգավաճում՝ նրա ժողովրդին:

Տ. Գևորգ Ժ. վրդ. Կարպիսյանն իր խոսքի մեջ շեշտեց հավատքի տարածման կարևորությունը և մեր հավատքի վեմ ա. Էջմիածնի պայծառացման անհրաժեշտությունը:

Այնուհետև եղան սրտաբուխ նվիրատվություններ:

Գործադրվեց գեղեցիկ ու կոկիկ գեղարվեստական մի հայտագիր: Մեջ ընդ մեջ երգեց տիկ. Մարիժան Գասարճյանը՝ ընկերակցությամբ դաշնակահար պրն. Իսաֆի Թորոսյանի: Յուրահատուկ պերճախոսությամբ ներկաներին զվարճացրեց պրն. Գրիգոր Տեյիրմենճյանը:

Բոլոր ներկաները ճաշկերույթից մեկնեցին բարձր տրամադրությամբ:

«Էջմիածին» ամսագրի խմբագրությունը ջերմորեն շնորհավորում է կրոնասեր տիկնանց համախմբումը՝ նրա գործունեության 15-ամյակի ուրախ առիթով, և բարենախոսում նորանոր հաջողություններ նրա եկեղեցանվեր և ազգօգուտ գործունեության ճանապարհի վրա՝ Մայր Աթոռ ա. Էջմիածնի հովանու և Հայոց Հայրապետի օրհնության ներքո:

ԸՆՏՐՈՒԹՅՈՒՆՆԵՐ ԵԹՈՎՊԱՀԱՅ
ՀԱՄԱՅՆՔՈՒՄ

Եգիպտահայոց առաջնորդական տեղապահ տ. Զավեն եպս. Չինչինյանը վերջերս իր պաշտոնական գրությամբ Ամենայն Հայոց Վեհափառ Հայրապետին տեղեկացնում է եթովպահայոց գաղութային ժողովի 1972 թ. նոյեմբերին տեղի ունեցած վերընտրությունների արդյունքի մասին՝ ներկայացնելով ընտրված դիվանի կազմը հետևյալ կերպով.

Նախագահ՝

հոգևոր հովիվ արժ. տ. Թորգոմ քհն. Կյոլոդյանյան,

Տիար Էլիաս Շեռահյան՝ ատենապետ,
Տիար Պետրոս Սվաճյան՝ փոխ-ատենապետ,

Տիար Ժորժ Իսրայելյան՝ ատենադպիր,
Տիար Մուշեղ Երևանյան՝ գանձապահ,
Տիար Ավետիս Թերզյան՝ խորհրդական,
Տիար Արշավիր Թերզյան՝ խորհրդա-

կան,

Տիար Պերճ Կարապետյան՝ խորհրդական:

Վեհափառ Հայրապետը եթովպահայ գաղութային վարչությանն ուղղած Իր 28 ապրիլ 1973 թվակիր գրությամբ ողջունում է գաղութային ժողովի ընտրությունները՝ մաղթելով հաջողություններ և անց ազգաշեն, եկեղեցանվեր գործունեության անսպարհի վրա:

Այնուհետև Վեհափառ Հայրապետն Իր պաշտոնական գրության մեջ շեշտում է.

«Եթովպահայ համայնքը թեև իր համարանքով ոչ մեծ, սակայն որակով և խաղաղ ու արդյունավետ իր հոգևոր, կրթական և մշակութային գործունեությամբ երկար տարիներ է վեր կհանդիսանա օրինակելի կրոնական համայնք մը ասիտոքի տարածքի վրա: Այս իրողությունը ևս Մենք անձամբ հաստատեցինք 1965 թվականի Մեր այցելության առիթով ձեր քրիստոսասեր երկիրը, երբ պատիվը ունեցանք հյուրը ըլլալու օգոստաիայ Հայկե Սեփաիէ կայսեր, Վեհափառ ղեկավարը ձեր երկրին և մեծ բարեկամը հայ ժողովուրդին:

Գնահատելով ձեր նորընտիր վարչության անդամներու ծառայասեր և հավատարիմ ո-

գին և վստահ ըլլալով թէ ձեր ապագա աշխատանքներու ընթացքին առավել պիտի ամրապնդվի ձեր գաղութի եկեղեցական և կրթական կյանքը, և առավել պիտի ջերմանան ձեր հոգիները Մայր Աթոռ ս. Էջմիածնի օրհնությամբ, Մենք, այսու Մեր գրով, կողջունենք և կշնորհավորենք ձեր ընտրությունը, մաղթելով որ Աստված միշտ շեն ու պայծառ պահպանե ձեր եկեղեցին, ձեր կրթական, բարեսիրական, ազգային հաստատությունները և միշտ անփորձ ու անվտանգ մնան համայն եթովպահայ Մեր հավատացյալ զավակները:

Մենք երջանիկ պիտի ըլլանք բարի լուրեր ստանալով Ձեզմե և գերաշնորհ տ. Զավեն եպս. Չինչինյանեն, որ իբրև Մեր ներկայացուցիչը կոչված է իր հոգևոր առաջնորդության ներքև պահպանելու ձեր եկեղեցին և ձեր կրոնական համայնքը՝ սուրբ Հոգվի օգնությամբ»:

«Էջմիածին» ամսագրի խմբագրությունը ողջունում է եթովպահայ գաղութային վարչության ժողովականներին և մաղթում ևս անց հետագա գործունեության հաջողություն:

